

SPORAZUM O SARADNJI

Između:

Javnog komunalnog preduzeća "Šćona" d.o.o. – Upravitelj Spomenika prirode Prokoško jezero Fojnica ul. Hadrovići broj 15, kojeg zastupa direktor Nišić Abas

i

Zemaljskog muzeja Bosne i Hercegovine ul. Zmaja od Bosne broj 3, Sarajevo kojeg zastupa direktor Mirsad Sijarić, u daljem tekstu sporazumne strane

Član I

JKP "Šćona" d.o.o. – Upravitelj SP Prokoško jezero i Zemaljski muzej BiH imaju cilj da uspostave saradnju na promoviranju naučno-istraživačke i stručne saradnje između dvije institucije po pitanju zaštite i istraživanja *Ichthyosaura alpestris reiseri* sin. *Triturus alpestris* ssp. *Reiseri* (dalje u tekstu: rajzerov triton) i njegovog staništa. Rajzerov triton je jedini stenoendemski vodozemac u BiH koji naseljava samo područje Spomenika prirode Prokoško jezero i njegovu okolinu (pl. Vranica), što ukazuje na potrebu njegove zaštite. Rajzerov triton se može smatrati kritično ugroženom vrstom što ukazuje na hitnu potrebu za osiguranjem sistemskog pristupa koji će adekvatno zaštititi i smanjiti prijetnje koje ugrožavaju opstanak i održivost ove populacije.

Član II

Ovaj sporazum predstavlja okvir za institucionalnu saradnju po pitanju istraživanja rajzerovog tritona i njegovog staništa, te omogućava razvoj specifičnih programa saradnje od obostranog interesa.

Član III

Saradnja će se odvijati kroz sljedeće aktivnosti koje su od obostranog interesa potpisnica sporazuma:

- Zaštita kulturno-historijskog i prirodnog nasljeđa BiH;
- Provođenje sveobuhvatne procjene opasnosti od antropogenih uticaja;
- Definiranje mjera za unapređenje stanja i zaštite populacije rajzerovog alpskog tritona i njegovog staništa;
- Priprema projektnih prijedloga i zajednički nastup na nacionalnim i međunarodnim konkursima;
- Naučno istraživački rad;
- Izrada registra – baze podataka;
- Druge aktivnosti u skladu sa registriranim djelatnostima ugovornih strana.

Član IV

Upravitelj Spomenika prirode će na osnovu ovog sporazuma obezbjediti:

- Provođenje naučnih istraživanja koje će omogućiti unapređenje stanja rajzerovog tritona i njegovu zaštitu;

- Da sve planirane i odobrene aktivnosti Zemaljskog muzeja u Spomeniku prirode budu u skladu sa svim važećim propisima, planskim dokumentima i načelima koji se tiču zaštite prirode i zaštićenih područja;
- Pružanje stručne i tehničke pomoći;
- Učešće u pripremi i adekvatnom promoviranju rezultata aktivnosti.

Član V

U cilju realizacije ovog sporazuma Zemaljski muzej se obavezuje da će za Upravitelja SP Prokoško jezero obavljati:

- Dijagnostičke i preventivne zahvate u skladu sa potrebama SP Prokoško jezero u vezi zaštite rajzerovog tritona;
- Staviti na raspolaganje u realizaciji projektnih aktivnosti ekspertizu i dijagnostičke laboratorije, a posebnu ekspertizu, znanja i vještine iz oblasti herpetologije i botanike;
- Pružanje tehničke asistencije pri pripremi plana upravljanja rajzerovim tritonom i unapređenje stanja populacije alpskog tritona na teritoriji Spomenika prirode Prokoško jezero;
- Osigurati uslove za *ex situ* zaštitu rajzerovog tritona (20 jedinki) ili manje u skladu sa veličinom populacije i konzervacijskim statusom populacije na Prokoškom jezeru;
- Davanje preporuka i konsultacija po pitanju zaštite rajzerovog tritona i njegovog staništa;
- Monitoring i opisivanje bioloških karakteristika rajzerovog tritona u skladu sa finacijskim mogućnostima;
- Sve aktivnosti u vezi rajzerovog tritona raditi uz odobrenje Upravitelja.

Član VI

Predstavnici Upravitelja SP Prokoško jezero i Zemaljskog muzeja BiH se slažu da će u svrhu realiziranja ciljeva definiranih ovim sporazumom o suradnji na raspolaganje staviti postojeće ljudske, tehničke, infrastrukturne i druge resurse. Ujedno se slažu da će u svrhu što efikasnije realizacije dogovorenih aktivnosti uspostaviti redovnu komunikaciju kao i obavještavati drugu stranu o napretku u realizaciji. Strane će u dogovoru vršiti monitoring zajedničkih aktivnosti s ciljem postizanja kvalitete planiranih rezultata kao i uspostavljanja dobrih implementacijskih mehanizama.

Član VII

Sporazum se u svakom trenutku može izmijeniti na osnovu pisanog zahtjeva jedne od strana, a uz suglasnost druge u roku od 30 dana od dana podnošenja zahtjeva.

Član VIII

Ovaj sporazum se zaključuje i važi sve dok jedna od strana potpisnica sporazuma ne uputi pismeni zahtjev za raskid.

Sporazumne strane su saglasne da ovaj sporazum i obaveze koje iz njega proističu stupaju na snagu danom potpisivanja.

Član IX

Ovaj sporazum je sastavljen u četiri (4) istovjetna primjerka od koji svaka od sporazumnih strana zadržava po dva (2) primjerka

Upravitelj Spomenika prirode
"Prokoško jezero"




Abas Nišić dip.ing.maš.

Mjesto i datum: FOJNICA, 04.03/24.
Broj protokola: 194/24.

Zemaljski muzej
Bosne i Hercegovine




dr.sc. Mirsad Sijarić

Mjesto i datum: 110-111-1/24
Broj protokola: 27.2.2024.